



Broj 12/01-04- 2435/23  
Sarajevo, 10.02.2023. godine

**VLADA KANTONA**

**n/r Šabaredžović-Klačar Mersiha**  
Sekretar Vlade

(Ovdje)

**SKUPŠTINA KANTONA SARAJEVO**

**PREDSJEDAVALJUĆI SKUPŠTINE**

(Ovdje)

Zastupnica Marijela Hašimbegović u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo", broj : 41/12- Drugi bnovi prečišćeni tekst , 15/13, 47/13, 47/15, 48/16, 9/20, 14/20, 16/22 i 17/22 – Ispravka) na Trećoj radnoj sjednici Skupštine Kantona Sarajevo, održanoj dana 27.01. 2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu prema Vladi Kantona Sarajevo radi aktueliziranja projekta "Mala scena narodnog pozorišta sa radionicama i smještajnim kapacitetima", a koja je data u prilogu ovog odgovora:

**Prilog: Zastupnička inicijativa Marijele Hašimbegović od 26.01.2023. godine.**

**Odgovor na zastupničku inicijativu zastupnice Marijele Hašimbegović glasi:**

(1) Na poziv Ministarstva kulture i sporta Kantona Sarajevo dana 13.12.2022. godine u Kabinetu ministra kulture i sporta u predmetu "Zaštita objekta Tehničke radionice JU Narodno pozorište Sarajevo" održan je sastanak kojem su prisustvovali:

- Samir Avdić, ministar kulture i sporta Kantona Sarajevo,
- Edin Mustafić, direktor JU "Narodno pozorište" Sarajevo
- Gordana Hrenovica, pomoćnica direktora JU "Narodno pozorište" Sarajevo
- Belma Barlov, direktorica Zavoda za izgradnju Kantona Sarajevo
- Edina Ajdinović iz Sektora prostornog uređenja, Ministarstva komunalne privrede, infrastrukture, prostornog uređenja, građenja i zaštite okoliša KS,
- Amra Đevlan - Mioković, Predstavница iz Općine Centar Sarajevo,
- Mirsad Okerić, dipl. Ing. građ. iz Zavoda za izgradnju Kantona Sarajevo

Sastanak je održan u cilju iznalaženja najboljeg rješenja za zaštitu objekta Tehničke radionice JU "Narodno pozorište" Sarajevo.


(2) Na ovom sastanku kojem je prethodila pismena komunikacija svih učesnika sastanka u vezi stanja objekta, klizišta, zaštite zaposlenih ljudi i opreme, te narednih aktivnosti, doneseni su slijedeći zaključci i to:

- 1) Zadužuje se JU "Narodno pozorište" Sarajevo da pribavi zemljišno-knjižne izvadke sa historijskim pregledom vlasništva iz ZK ureda Općinskog suda u Sarajevu i kopiju katastarskog plana iz Općine Centar Sarajevo,
- 2) Zadužuje se JU "Narodno pozorište" Sarajevo da pribavi Izvod iz regulacionog plana Općine Centar Sarajevo sa markicom za planirani objekat na toj lokaciji.
- 3) Zadužuje se direktor JU "Narodno pozorište" Sarajevo da što prije ostvari kontakte sa predstavnicima RTV FBiH radi privremenog izmještanja ljudi i opreme,
- 4) Zadužuju se Općina Centar Sarajevo da pripremi Projekat rušenja starih objekata na ovoj lokaciji (Tehnička radionica i potporni zid) i Projekat sanacije klizišta na ovom lokalitetu sa predračunom radova.

Zapisnik sa navedenim zaključcima je dostavljen svim učesnicima sastanka, te kako do današnjeg dana nije bilo povratnih informacija o preduzetim aktivnostima na ispunjenju navedenih zaključaka, ni Ministarstvo nije moglo planirati naredne korake u vezi navedenog projekta.

Napominjemo da za sve kapitalne projekte sredstva za njihovu realizaciju se moraju planirati u Budžetu Kantona Sarajevo na odgovarajućim pozicijama (kapitalana sredstva), ali je to moguće samo ukoliko su riješeni imovinsko pravni odnosi, a u ovom slučaju, tek kada bude sanirano klizište, što nije u nadležnosti ovog Ministarstva.

#### Prilog 1. Zapisnik sa sastanka od 13.12.2022. godine sa zaključcima.

Koordinator izrade odgovora  
na skupštinska pitanja i inicijative  
Dragan Vujmilović 



#### Dostavljeno:

1. Naslov (1. i 2)
2. a/a





7916

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Culture and Sports

Broj: 12-30-44662-2/22  
Sarajevo, 26.12.2022. godine

**JAVNA USTANOVA  
NARODNO POZORIŠTE SARAJEVO**

**ul. Obala Kulina bana broj 9  
71000 Sarajevo**

27-12-2022

**Predmet: Dostava Zapisnika sa sastanka održanog 13.12.2022. godine u Kabinetu ministra kulture i sporta sa početkom u 11 sati u predmetu zaštita objekta tehničke radionice JU Narodno pozorište Sarajevo**

Poštovani,

U prilogu dostavljamo Zapisnik sa sastanka održanog 13.12.2022. godine u Kabinetu ministra kulture i sporta sa početkom u 11 sati u predmetu zaštita objekta tehničke radionice JU Narodno pozorište Sarajevo sa zaključcima.

Molimo da svako u okviru svoje nadležnosti urgentno postupi u skladu sa zaključcima sa ovog sastanka i dostavi tražene akte ovom Ministarstvu, kako bi u što kraćem roku mogli zakazati i održati naredni sastanak po ovom pitanju.

**Prilog: Zapisnik od 13.12.2022. godine**

Pripremio: Dragan Vujmilović, sekretar MKS KS

S poštovanjem,

MINISTAR  
Misir Avdić

1. Naslov
2. Općina Centar Sarajevo n/r Načelnika, Mis Irbina broj 1
3. Ministarstvo komunalne privrede, infrastrukture, prostornog uređenja, građenja i zaštite okoliša (ovdje)
4. Zavod za izgradnju Kantona Sarajevo, Kaptol 3.
5. a/a



**ZAPISNIK**  
**sa sastanka održanog 13.12.2022. godine u Kabinetu ministra kulture i sporta**  
**sa početkom u 11:00 sati u predmetu**  
**“Zaštita objekta Tehničke radionice JU Narodno pozorište Sarajevo”**

**Prisutni:**

- Samir Avdić, ministar kulture i sporta Kantona Sarajevo,
- Edin Mustafić, direktor JU “Narodno pozorište” Sarajevo
- Gordana Hrenovica, pomoćnica direktora JU “Narodno pozorište” Sarajevo
- Belma Barlov, direktorica Zavoda za izgradnju Kantona Sarajevo
- Edina Ajdinović iz Sektora prostornog uređenja, Ministarstva komunalne privrede, infrastrukture, prostornog uređenja, građenja i zaštite okoliša KS,
- Amra Đevlan - Mioković, Predstavница iz Općine Centar Sarajevo,
- Mirsad Okerić, dipl. Ing. građ. iz Zavoda za izgradnju Kantona Sarajevo

**Dnevni red: Zaštita objekta Tehničke radionice JU “Narodno pozorište” Sarajevo**

Ministar kulture i sporta Kantona Sarajevo dao je kratko uvodno izlaganje u vezi situacije sa Tehničkom radionicom JU “Narodno pozorište” Sarajevo.

Kantonalna uprava za inspeksijske poslove izvršila je uviđaj u Tehničkoj radionici JU “Narodno pozorište” Sarajevo i u zapisniku konstatovala da su povrijeđeni propisi o zaštiti na radu. Nakon dostave Zapisnika od strane KUIP-a, Ministarstvo kulture i sporta Kantona Sarajevo je dostavilo Zahtjev za preduzimanje mjera zaštite Javnoj ustanovi “Narodno pozorište” Sarajevo, Općini Centar Sarajevo, Zavodu za izgradnju Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo. Svima pozvanim je uz Poziv dostavljen Dopis i nalaz Zavoda za izgradnju Kantona sa fotografijama potpornog zida i sa njim povezanog objekta Tehničke radionice iz kojeg se vidi da je potporni zid i zid samog objekta iskošen u odnosu na prvobitni položaj. Iznad klizišta, vršena je izgradnja objekata (poslovni i stambeni objekat i benzinska pumpa) tokom trideset (30) godina koja je dodatno opteretila zemljište iznad transferzale te je ono postalo klizište koje je ugrozilo objekat fiskulturne dvorane OŠ “Vladislav Skarić” i Tehničke radionice JU “Narodno pozorište” Sarajevo. Ovdje nije riječ o bespravnim objektima jer su za iste pribavljene dozvole iz Općine Centar Sarajevo. Klizište je naknadno nastalo.

Zasjeci padine i potporni zid su u simbiozi sa objektom tehničke radionice. Objekat Tehničke radionice je star. Potporni zid je iskošen, stari zid trpi pritisak od klizanja zemljišta. Trebalo bi sve srušiti, osigurati padinu novim zasjekom i potpornim zidom i graditi ispočetka uz primjenu svih neophodnih tehničkih mjera.

Konstatovano je da je takav pristup najispravniji, ali da zahtjeva velika sredstva koja ne može JU “Narodno pozorište” Sarajevo, a ni samo Ministarstvo kulture i sporta Kantona Sarajevo obezbijediti. U tome trebaju da učestvuju i Općina Centar Sarajevo jer je dala potrebne saglasnosti za izgradnju objekata iznad tranzita koji su uzrokovali nastanak klizišta, te Zavod za izgradnju Kantona Sarajevo i Civilna zaštita Kantona Sarajevo koji raspolažu sredstvima za sanaciju klizišta.

Pravi se Lista lokacija sa klizištem i prema nivou opasnosti i javnom interesu utvrđuje se Prioritetna lista sanacije klizišta koju odobrava Općinsko vijeće Općine Centar Sarajevo. Tada Općina Centar finansira projekat uređenja i sanacije klizišta, a Zavod za izgradnju Kantona Sarajevo vrši nadzor nad realizacijom projekta sanacije.

**G-đa Belma Barlov:** trebalo bi postupiti kao u slučaju fiskulturne dvorane OŠ Vladislav Skarić. Stari objekat i potporni zid ukloniti, sanirati kosinu zasjeka padine i izgraditi potpuno novi objekat.




Ukoliko se to ne uradi postoji opasnost od rušenja Tehničke radionice, a time i za ljude i opremu, a što je konstatovano u Zapisniku inspektora zaštite na radu. Potrebno je utvrditi imovinsko pravne odnose na predmetnom zemljištu i objektu. Nije svo zemljište riješeno. Ima jedan dio koji se u ZK izvadku vodi kao privatno vlasništvo. Potrebno je to pitanje razriješiti prije dobijanja dozvola i izgradnje.

**Edin Mustafić:** Projekat postoji. Radio ga je Prof. Pašić, poznati arhitekta. Po mojim saznanjima u regulacionom planu postoji markica za novi objekat koji bi obuhvatao i modernu scenu i stolariju, tj. tehničku radionicu. Ljude i opremu bi trebalo što prije dislocirati, kako se ne bi desio neželjeni slučaj. U zgradi RTV FBiH ima slobodnih prostora – depadansa, koji bi privremeno mogli poslužiti u tu svrhu. Općina Centar Sarajevo bi trebala da istraži geološki teren te finansira projekat rušenja objekata i projekat sanacije klizišta i utvrdi koliko bi to koštalo.

#### **Zaključci:**

- 1) Zadužuje se JU “Narodno pozorište” Sarajevo da pribavi zemljišno-knjižne izvadke sa historijskim pregledom vlasništva iz ZK ureda Općinskog suda u Sarajevu i kopiju katastarskog plana iz Općine Centar Sarajevo,
- 2) Zadužuje se JU “Narodno pozorište” Sarajevo da pribavi Izvod iz regulacionog plana Općine Centar Sarajevo sa markicom za planirani objekat na toj lokaciji.
- 3) Zadužuje se direktor JU “Narodno pozorište” Sarajevo da što prije ostvari kontakte sa predstavnicima RTV FBiH radi privremenog izmještanja ljudi i opreme,
- 4) Zadužuju se Općina Centar Sarajevo da pripremi Projekat rušenja starih objekata na ovoj lokaciji (Tehnička radionica i potporni zid) i Projekat sanacije klizišta na ovom lokalitetu sa predračunom radova.

Načelno sljedeći sastanak po ovom pitanju će se zakazati za 20. januar 2023. godine.  
Sastanak je završen u 12:30 sati.

  
**Zapisnik sastavio: Dragan Vujić, sekretar MKS KS**